



ԹՈՒՐԲԵԱՅԻ ՀԱՅՈՑ ՊԱՏՐԻԱՐԲՈՒԹՅԱՆ ՍՈՒՐԲ ԽԱՉ ԴՊՐԵՎԱՆՔԻ ՆՈՐԱԿԵՐՏ ՈՒՍՈՒՄՆԱՐԱՆԻ ԲԱՑՈՒՄԸ

1957 թվականի հունիսի 23-ին, Կաթողիկե Ս. Էջմիածնի տոնի առթիվ, Կոստանդնուպոլսում, Թուրքիայի հայոց պատրիարք ամենապատիվ Տ. Գարեգին արքեպիսկոպոս խաչատուրյանի նախագահությամբ, սուրբ պատարագից հետո, կատարվում է պաշտոնական բացումը Ս. Խաչ դպրեվանքի նորակերտ ուսումնարանի:

Ուսումնարանի բացման հանդիսություններին ներկա են լինում Ստամբուլի կուսակալը, Կենտրոնական վարչության և այլ պաշտոնական մարմինների ներկայացուցիչներ, ժողովրդի հոծ բազմություն, դպրեվանքի դասախոսական կազմը և ուսանողությունը:

Բացման պաշտոնական արարողության ժամանակ պատրիարք սրբազան հայրը արտասանում է բացման խոսքը: Պր. կուսակալն ևս հանդես է գալիս կրթության մասին տվեցող ճառով:

Նոր ուսումնարանը, դպրեվանքի նախկին շենքի արևելյան մասում, երև. հարկանի գեղեցիկ շենք է, թփուլած ուսումնարանի հատուկ բոլոր հարմարություններով: Նոր ուսումնարանը ունի 18 ընդարձակ և լուսավոր սենյակներ, տրոնցից ինը դասարաններ են, իսկ մյուս սենյակները բնակարաններն են վերատեսչի, փոխ-տեսչի, քարտուղարի, հսկիչի. կան նաև լաբորատորիայի և սրահի հատկացված բաժիններ: Նոր ուսումնարանի վերահարկում կա մի ընդարձակ սրահ բեմով, 400 հանդիսականի համար:

Հոկտեմբերի 12-ին, շաբաթ օր, Սրբոց Թարգմանչաց տոնի առթիվ, պատարագել և քարոզել է դպրեվանքի փոխ-տեսուչ հոգեշնորհ Տ. Շահան վարդապետ Սվաճյանը:

Սուրբ պատարագին ներկա են եղել սրբազան պատրիարք հայրը և ժողովրդի մեծ բազմություն: «Հայր մեր»-ից առաջ տեղի է ունեցել հոգեհանգստյան պաշտոն Արմաշի դպրեվանքի հանգուցյալ վանահայրերի և միաբանության ու հայ մշակույթի համեստ աշխատավորների հիշատակին:

Հոկտեմբերի 13-ին, կիրակի օր, մեծ շքով և հանդիսությամբ տոնվել է Ս. Խաչ դպրեվանքի բացման 5-րդ տարեդարձը, սրբազան պատրիարք հոր նախագահությամբ: Պատարագել է դպրեվանքի վերատեսուչ հոգեշնորհ Տ. Գարեգին վարդապետ Գազանճյանը: Կատարվել է հոգեհանգիստ ի հիշատակ Ս. Խաչ դպրեվանքի բարերարների հին և նոր նընցյալների հոգու Ապա սրբազան պատրիարք հայրը կարդացել է իր գրած «Օրհնություն Ս. Խաչ դպրեվանուց» աղոթքը: Քարոզել է պատարագիչ հայր սուրբը:

Սուրբ պատարագի ավարտից հետո, դպրեվանքի նորակերտ ուսումնարանի սրահում կազմակերպվել է ընդունելություն, որին ներկա են եղել մոտ 200 հարգելի հրավիրյալներ: Պատրիարք հոր աղոթքով սկսվում է ճաշը: Կատարվում են հաջող արտասանություններ, երգ, խմբերգ՝ դպրեվանքի ուսանողության կողմից, նվիրված օրվա տոնին: Վերատեսուչ հայր սուրբը կարդում է մի տեղեկագիր դպրեվանքի կրոնական, կրթական և ներքին կյանքի շուրջ:

Ս. Խաչ դպրեվանքն այսօր ունի 110 ուսանող 5 դասարանների վրա բաժնված, 3-րդ միջնակարգ, 2-րդ՝ լիցեյ: Դպրեվանքում կազմակերպվել են հաճախ գրական երեկոներ: Լիցեյի ուսանողները հրատարակում են

«Մանկունք Ս. Խաչի» անունով պարբերական հանդեսը:

Դպրեվանքին ամեն կերպ սրտագին օժանդակություն են ցույց տվել Դպրեվանոց խնամակալ վարչությունը, պատվարժան Կենտրոնական վարչությունը և նորակազմ Տիկնանց հանձնախումբը:

Խնամակալության անոնից բժիշկ Ս. Քեշիշյանը կարդում է մի մանրամասն տեղեկագիր Դպրեվանքի շինարարական և մատակարարական աշխատանքների մասին: Հավաքույթում գնահատական խոսք է ասում նաև Կենտրոնական վարչության ատենապետ պր. Մ. Շելեֆյանը:

Ս. Խաչ Դպրեվանքի բացման 5-րդ տարեդարձին նվիրված հանդիսությունում սրբազան պատրիարք հայրը փակման խոսք է ասել, ծանրանալով հայ ժողովրդի նվիրման ոգու վրա և կոչ է արել յուսանողության՝ դաստիարակվել և պատրաստվել այդ ոգով, լավագույնս ծառայելու համար «Ճկեղեցիին, ժողովուրդին և Հայրենիքին»:

Սրբազան պատրիարք հոր «Պահպանիչ»-ով և սեղանակիցների երդաձայն «Հայր մեր»-ով փակվել է Ս. Խաչ դպրեվանքի բացման 5-րդ տարեդարձին նվիրված ճաշկերույթ-հանդիսությունը:

